


ქართლსათრიათ




წინაპრები



თბილისი * 1942 * ფელეჩაძე

„ჩვენი სამშობლოს, ჩვენი ხალ-
ხის სიცოცხლის, ღირსებისა და
თავისუფლებისათვის გააფთრებულ
ბრძოლებში საბჭოთა მეომრებს
ალაფრთოვანებენ ახლაც და მომავალშიც
ვაჟკაცური სახეები ჩვენი დიდი წინაპრებისა“.

„პრავდა“ 20|VIII-42



* *

რა ქართველი ხარ და რა ჭაბუკი,
თუ მამულს თავი არ ანაცვალე—
ეს აწვალებდა ცოტნე დადიანს,
მეც ქართველი ვარ და ეს მაწვალებს.

რომ ვდგავარ ახლა ტფილისის კართან
შენ გეკითხები, ცაო ნათელო,
ამ უხეირო ლექსების გარდა
რას გავუკეთებ მე საქართველოს,

რომ ვდგავარ ახლა ტფილისის კართან
თქვენ გეუბნებით, ძმებო მგოსნებო,
ამ უხეირო ლექსების გარდა
დაგვრჩა საფიქრი და საოცნებო.

რა ქართველი ხარ და რა ჭაბუკი,
თუ მამულს თავი არ ანაცვალე—
ეს აწვალებდა ცოტნე დადიანს,
მეც ქართველი ვარ და ეს მაწვალებს.

ქრეანისის ყაყაჩოები

სამასი არაგველის ხსოვნას

ჰეი, თქვენ, არაგველებო, გაუმადლარნო ომითა,
თქვენს საფლავებთან მოსვლა და მუხლის მოდრეკა მომინდა.
შაფროხიანო ვაჟკაცო, ჭრილობა ხომ არ შეგხსნია!
ეს სისხლი არის, თუ მართლა ყაყაჩოების ცეცხლია?
შაფროხიანო ვაჟებო, ასე რამ გაგახელისათ,
ქრიალი ხომ არ მოგესმათ ოჟა ჯურხაის ფარისა!
სიმღერა ხომ არ მოგესმათ პატარა კახის ხმალისა?
იქნებ მე თვალი მატყუებს, ზეცა მაბრმავეებს კრიალა,
მაშინ თქვენ თვითონ აღსდექით და მარქვით ომახიანად:
თუ არც ყაყაჩოს ცეცხლია და არც ახალი იარა,
მა ეს ბებერი კრწანისი რა ძალამ ააბდღრილა?..
ეი, თქვენ, არაგველებო, გაუმადლარნო ომითა,
თქვენს საფლავებთან მოსვლა და მუხლის მოდრეკა მომინდა.

• საქართველო იყო მათი საოცნებო სახედი

ძველად, თურმე, როცა მტრების უთვალავი ჯარები მოდიოდნენ, რომ გაეღოთ საქართველოს კარები, მამაკაცებს გვერდით ჰყავდათ, ვით ფოლადის ფარები, და მტრებს მათთან ერთად სცემდნენ საქართველოს ქალები,

ისე მტკიცე იყვნენ თურმე, ვით მეტეხის კედელი, გმირი თამარ ვაშლოვნელი და მათა წყნეთელი.

მათი ხმალი ცეცხლს აფრქვევდა, მტერი თრთოდა ვერანი. საქართველოს ცისფერს ჰგავდა ფერი მათი მერანის.

სადაც უნდა ყოფილიყვნენ მარად დაუზრახველნი — საქართველო იყო მათი საყვარელი სახელი.

ბრძოლის ველზე მიდიოდნენ რაინდული ოცნებით, მიდიოდნენ და მიჰქონდათ ჩალისფერი დროშები, ბევრჯერ სისხლით შეღებილან მათი ავეგაროშები,

სადაც უნდა ყოფილიყვნენ, თუნდ სამარის კარამდის, ოსმალეთის მიწა იყო, თუ მინდორი მარაბდის, საქართველო იყო მათი საყვარელი მარადის.

სადაც უნდა აღემართათ სატევარი და გორდა, ვაჟკაცურად მიიწევდნენ, ვაჟკაცურად გაჰქონდათ, სპარსეთში თუ დაღესტანში, კრწანისთან, თუ შამქორთან. საქართველოს ერთი მუჟა ცხელი მიწა თან ჰქონდათ.

სიკვდილის წინ რუსთაველის შაირების ძახილით
მიწას გულში ჩაიკრავდა ქართლელი თუ კახელი.—
საქართველო იყო მათი საოცნებო სახელი.

შვილებს ომში აგზავნიდნენ წარბშეკრული დედები,
აგზავნიდნენ აბარებდნენ დედურ დაძმედებით:
თუ ისარი ზურგში მოგხვდეთ, არ დაიჭრათ მკერდები,
ხელმეორედ ნუ გენახოთ საქართველოს ქედები!

ისე მტკიცე იყვნენ თურმე, ვით მეტეხის კედელი—
გმირი თინა წავკისელი და მაია წყნეთელი.

მათი ხმალი ცეცხლს აფრქვევდა, მტერი თრთოდა ვერანი,
საქართველოს ცისფერს ჰგავდა ფერი მათი მერანის.

მამულისთვის დაიღუბნენ ვაჟკაცობის მსახველნი,
საქართველო იყო მათი უწმინდესი სახელი.

საქართველოში

საქართველოში იბადებოდნენ
და შემდეგ მულამ სწუხდნენ ამაზე —
ეხ... წუთით მაინც დაბრუნდებოდეს
ჩვენი ბავშვობა და სილამაზე.

თავს არ მოიკლავს ქართველი, არა,
ის შეიძლება ბრძოლაში მოკვდეს —
ერთი იმედით: სიცოცხლე მარად
გაგრძელდეს ქვეყნად და განშეორდეს.

საქართველოში როცა კვდებოდნენ,
უფრო და უფრო სწუხდნენ ამაზე,
ეხ, წუთით მაინც დაბრუნდებოდეს
ჩვენი ბავშვობა და სილამაზე.

ჩვენ ვაჩქარობა ძველთაგან მოგვდევს,
ყველამ გაიგოს, ყველამ იცოდეს!
ჩვენ შეიძლება ბრძოლაში მოგვკვდეთ,
მაგრამ არც მაშინ ვტოვებთ სიცოცხლეს.

რადგან სიცოცხლე ასე ნაფარდობს,
სიკვდილის ყველა კარი დარაზეთ
და იმ ბედნიერ დღეს გაუმარჯოს,
როცა ჩვენ გავჩნდით ამ ქვეყანაზე!

სიხის სიზმარი

როცა მთვარე შესწყვეტს კაშკაშს
და ბნელს შემოიხვევს,
ისე, როგორც დაღლილ ვაჟკაცს,
მძიმედ სძინავს ციხეს.
სძინავს ციხეს, ნატამალი
ხმაც არ აკრთობს სმენას,
სძინავს ციხეს და თამარის
საოცნებო სენაკს.
სძინავს, ფიქრებს ალამაზებს
და სიზმარში ხედავს,
რომ მის ბებერ გალავანზე
არწივები სხედან.
რომ კვლავ ისმენს ძველთა, ველთა
ნიაგ-ქარის ნანას,
რომ მის ბებერ საძირკველთან
ქართველები დგანან.
რომ დილისკენ, როცა დნება
მუქი შუქი მთვარის
გალავანზე გადმოდგება
საქართველოს თვალი.
იხურება ჯიხურებად
დაღრუბლული სივრცე,
დედოფალი იყურება
არტანუჯის მხრისკენ.
სძინავს ციხეს, ჯანიანი
თრთის და სიზმრად ხედავს:
ეს ქართველთა ჯარი არის,

თუ ჯღირანი ხეთა,
ეს ნისლია ჩვენებური —
მზესავეთ რომ მოსჩანს,
თუ ქართველთა ძველებური
ჩალისფერი დროშა,
ვისკენ მოაქვთ ეს აღმები,
ვის უხდიან ჩაჩქანს,
ეს თამარი ესალმება
საქართველოს ლაშქარს,
იხურება ჯიბურებად
დაღრუბლული სივრცე,
ეს თამარი იყურება
არტანუჯის მბრისკენ.
სძინავს ციხეს, მაგრამ დილით
მზე რომ იწყებს კაშკაშს,
ელვიძება, როგორც ძილით
დასვენებულ ვაჟკაცს.
ელვიძება, როგორც სისხლით
გაგაფებულ მხედარს,
ელვიძება, მაგრამ ძილში
ნახულს ველარ ჰხედავს,
ველარ ჰხედავს, გაავდება,
აშლის ხავსის ბალანს
და გრუხუნებს ნაადრევი
გაზაფხულის გვარად.
მერე ისევ ალამაზებს
სიზმრით თავის სვე-ბედს
და ხავსიან გალავანზე
არწივები სთვლემენ.

პირველი მჭარღები

იბერიელთა სოფელი... მაღალ-მაღალი ცხენები...
ხალიბის ფოლადს ადნობენ მამაცი ხალიბელები.
პირველყოფილი სამჭედლო—გრდემლი და ურო ძლიერი,
ქართულ იარაღს აწრთობენ მამაცი იბერიელნი.
კვერითხუროი ვეება, რვალის და რკინის მჭედელი
და საბერველი ვეშაპის ყბასავით გაუხედნელი.
უგანივრესი ფილტვები, ჰაერი დაჟანგებული.
ბაასი: ქეჭა-ქუხილი და ერი აჯანყებული.
ქურაში ცეცხლის ენები—წითელი აბრეშუმები,
კედლებზე ახალთ-ახალი, ხუთმეტყურთიანი შუბები,
უზარმაზარი ფანჯრები გაქრილი თაღებამდისა,
დასახარჯავი ხანჯლები და პერანგები ნაბდისა.
იბერიელთა სოფელი... მაღალ-მაღალი ცხენები...
ხალიბის ფოლადს ადნობენ მამაცი ხალიბელები.
პირველყოფილი სამჭედლო—გრდემლი და ურო ძლიერი,
ქართულ იარაღს აწრთობენ მამაცი იბერიელნი.

ქართული ოქროსმადიებლების სიმღერა

სამცხე-საათაბაგო

ჩვენ ოქროს ვეძებთ ერთ ხელში დაშნით,
სიციცხლეც ჩვენი მისთვის გავსწირეთ,
ნეტარ არს, როცა ბებერ მიწაში
იელვებს ოქრო, ვით სიყმაწვილე.
ნეტარ არს, როცა ბრწყინვალე ზოდით
ბნელი გონება გაგვინათდება
და ცისარტყელას ციური ტოტი
თავს დაგვადგება ათინათებად,
საყვარელის თუ საკუთარ ბედზე
ჩვენ ოქროს ვეძებთ.

ჩვენ მხოლოდ იგი გვმატებს მხნეობას,
როცა ვიხილავთ მზისფერ ღინჭილებს,
შეაქრიალებს ფლატე ხეობას
სიხარულისგან ისე ვიკივლებთ.
და გავშეშდებით, როცა შემთხვევით
ზოდს შევეყრებით ერთობ გოლიათს,
ჩვენ ზოდი, იგი, სინათლის მფრქვევე,
უცებ, მთვლემარე ლომი გვგონია.
საყვარელის თუ საკუთარ ბედზე
ჩვენ ოქროს ვეძებთ.

ჩვენი ცხოვრების უმთავრო გზაზე
ჩვენ მხოლოდ მისი შუქი გვიშუქებს.
ჩვენ ვმალავთ ოქროს, ვატარებთ ძაძებს
და ამნაირად ვატყუებთ თურქებს.
ასე რომ არა, ეს არემარე
მონობის თალხით დაისუდრება.
ჩვენ ოქრო გვიყვარს, მაგრამ მეტადრე
გვიყვარს ზვიადი თავისუფლება.
საყვარელის თუ საკუთარ ბედზე
ჩვენ ოქროს ვეძებთ.

ჩვენ ბატონებიც გვყავს ღირსეული
სამცხის მრისხანე ათაბაგები,
დროდადრო უცხოდ დაყვითლებულნი
ხევიდან—ხევში გადავბარგდებით.
ვატარებთ წერაქვს, ცხრილსა და ტომარს,
თუ ოქრო სადმე სხვის ხელში გაჩნდა,
მიჩვეულნი ვართ კლდეებზე ხლტომას
და უცხოს ყელში გავუყრით დაშნას.
საყვარელის თუ საკუთარ ბედზე
ჩვენ ოქროს ვეძებთ.

ჩვენ ნაშიერებს მკედელ ტომების
ცეცხლოვან თვალებს გვითრობს ლითონი,
მზეს რომ ვუყურებთ ოქროს ლომები
იბადებიან დიდრონ-დიდრონი.
ჩვენ ვთხრით და ვცხრილავთ და ისე ფრთხილად,
რომ მიწამ შრომა არ გაგვიოხროს.
ჩვენთვის ვიტოვებთ ცარიელ სილას,
დიდ ბატონებს კი ვუგზავნით ოქროს.

საყვარელის თუ საკუთარ ბედზე
ჩვენ ოქროს ვეძებთ.

ჩვენ ამავე დროს ვართ მეომარნი,
ომში ხალიბურ ხმალს ვახელებდით.
ჩვენი სამშობლო სახელოვანი
არტანია და სამღერეთი,
სადაც ბარს როცა დაჰკრავ მიწაზე—
შემოგანათებს განძი ბებერი,
სადაც ჩვენ ვიშვით და გავიზარდეთ—
ქართველი ოქროსმადიებელნი.
საყვარელის თუ საკუთარ ბედზე
ჩვენ ოქროს ვეძებთ.

მანანა ორბელიანის სუკაბუბი

შენ, შაოსანო შევთვალავ, შავს სამარეში გძინავს,
ჯერ კარგად არც კი გამთბარა ჩემი პატარა ცირა.

შენი სახელი დავარქვი, მინდა შენ გგავდეს მარტო,
ერისთვისქალო, ფიქალო, მკერდბუმბერაზო ვარდო.

მინდა რომ შენებრ ელავდეს და იყოს შენისთანა,
სამშობლოსათვის ღელავდეს სანამ ჰხედავდეს მანამ,
მინდა, რომ შენებრ ჰკერავდეს ის საქართველოს აღამს.

პირმოქარგული ბალიშით, ძვლის ყაისნალით ბელში...
შენი მარილი გამოჰყვეს, შენი წარბების ეშხი,

შენსავით გაიშრიალოს, ხმელეთი. გადალახოს,
ქალობა დაიმკვეხაროს, ცა და ქვეყანამ ნახოს.
მე კი, თუნდ მიწა მეყაროს სადმე ტფილისის ახლოს,

შენ, შაოსანო შევთვალავ, შავი სამარე გფარავს
ჩემი მანანა აკვანში ხან გაიცინებს ხან არ.
ია და ვარდნი ეტრფიან, ეტყვიან იავ-ნანას.

ნადირობის შაჰედები

გარეული კამეჩების დევნით დაიღალნენ,
დახოცეს უშტი და უშქარი ნადირი.
და მერე, როცა დღე-ღამე გაიყარა
ღამის გასათევი შემოხვდათ ადგილი.

თეთრონებს მოხადეს ავაზას ტყავები
და მასზე დააწყვეს ღამაზად თავები
ირმების,

ჯიხვების,

არჩევების,

დათვების—

სიკვდილს რომ ებრძოდნენ -სისხლიან თათებით.
და როცა მთვარემ ტყეზე გადიარა
სასმური ასწია ლევან დადიანმა:

— კურთხეულ იყოს ეს წმინდა ადგილი,
გაისათ უმეტესი მოგვეკლას ნადირი.

— კურთხეულ იყოს, — აღმოხდათ თავადებს,—
ნადირთა ღვთაების სახელი გუარავდეს.

და უცებ ქუხილმა ტყეზე გადიარა:

— ვინ მოჰკლა,

ვინ სტყორცნა ჩვენზე ადრიანად,

ვინ დალოცვილმა ჩვენზე მადლიანად!...
— მანუჩარის შვილმა ლევან დადიანმა.

ლამეში თვალების გადაბრიალებით
ნადავლთან მოგროვდნენ შავნაბდიანები.

ულვაშზე სალოკი გადისვა ერთ-ერთმა,
(მის მიერ დაკოდილ ირემზე ამბობდა)
— ლამის გამალენჩოს იმ თვალთა შეხედვამ,
ო, როგორ უნდოდა სიციცხლე საცოდავს.

— გულჩვილი ყოფილხართ ლეჩხუმის თავადი,
ჩვენ კიდევ, პირდაპირ საფრთხეში ჩავვარდით,
ჯიქურ დაგვეჯახა და ლაჯში დაგვხია
მაგ ირმის გვერდით რომ ქისონი ტახია.—

სთქვა ეს და ბაღდადით შეიკრა იარა
თავადმა მალაღმა, ჟღალულვაშიანმა.

ნაკვერჩხალებივით ელავდნენ ლამეში
თვალები ვეება გარეულ კამეჩის.
და თეთრი ეშვებით წყვდიადის დამხეენი —
წყვდიადში ეყარენ ველური ტახები.

წყვდიადში თვალების გადაბრიალებით
რიგ-რიგად ჰყვებოდნენ შავნაბდიანები:
— პირველად შემომხედა ჩვენს ტყეში კანჯარი,
პირველად გამიტყდა ჩემს დღეში ხანჯალი.

სვამდნენ, და თვრებოდნენ და ასე ჰყვებოდნენ,
რომელმა მათგანმა რა მოჰკლა, რა ბედზე.

ახარბარდებოდნენ, აყაყანდებოდნენ
და ღვინოს ასხამდნენ სისხლიან თავებზე.

— ჩვენი სიხარული და ჩვენი ჯაერი
ცოცხლობდეს,

შრომობდეს

ომობდეს მთავარი.

ტყე არ შრიალებდა, დაწვენენ და დაოსდნენ
ხეები სიბნელის სამსალით მთვრალეები
და ეწყო თავები, ვით სასაკლაოზე
ლაქვარდში გაფრენილ გაყინულ თვალეებით.

თეთრჩაბალახიანი და თეთრნაბდიანი
ნადირობას ზეიმობდა ლევან დადიანი.

ა ს კ ი ნ ძ ა

1

ყური დაუგდეთ, ასპინძის ადგილის დედა ჩურჩულობს,
თუ როგორ გავეუმასპინძლდით, როგორ გავრეკეთ ურჯულო.
გადაიარა წინა დღის ბრძოლების პაპანაქებამ,
ხმალს დასვენება უნდოდა, მხედრობას დაბანაკება.
გადაღეწილან შუბები... დროშები ჩამოძენდილან...
ნაიმარ ქართველ მხედრობას ტრიალ მინდორში ეძინა.
მთვარემ მძინარე სახეებს ბნელი ბურუსი გადახსნა,
სუნთქვა მძინარე რაინდთა აბიბინებდა ბალახსა.
გართხმულან მწვანე ბალახში ზვიადნი, მსხვილბარკლიანნი,
ზოგი ლომია ლომგული, ზოგიც ვეფხია ბწყლიანი.
ერთი-ლა დადის ბანაკში, ეს ალბათ, ირაკლი არი...
აქა-იქ ცეცხლი ანთია, თოფზე მიკრულან გუშაგნი,
სთვლემენ ცხენები, მორთულნი ლამაზ უნაგირ-უზანგით.
შორს კლდეში კოტი გაჰკივის, მდინარე მიდის დუღუნით,
ხმიანი ხვრინვა გაისმის, თოხარიკების ფრუტუნნი.
გადაღეწილან შუბები... დროშები ჩამოძენდილან...
წუთით გატრუნულ ქარიშხალს ცხენის ფაფარში ეძინა.
იქნებ სიზმარი გვესიზმრა, იქნება არის ზღაპარი,
ვით შეიკედლებს ქარიშხალს ფიცხელი ცხენის ფაფარი?
ყური დაუგდეთ, ასპინძის ადგილის დედა ჩურჩულობს,
თუ როგორ გავეუმასპინძლდით, როგორ გავრეკეთ ურჯულო.

გართხმულან მწვანე ბალახში მალაღნი, მსხვილბარკლიანნი,
ზოგი ლომია ლომგული, ზოგიც ვეფხია ბწყკლიანი.
ერთი-ლა დადის ბანაკში, ეს, ალბათ, ირაკლი არი...

სმენალ ქცეულან მეფის წინ ალაბაბა და ხუღია,
ნეტავ, რა უნდა შეფესა, გულში რა ცეცხლი უნთია!
— ცუდი იღბალი გვიღიმის, უომრად გავისრისებით,
თუ არ დავხერხეთ ამალამ ასპინძის ხიდის ისრები,
რომ მტრის მაშველი ჯარები ვერ გადმოვიდნენ ხიდზედა.
რალა მაშველი სჭირდებათ, ბევრნი არიან ისედაც.
ამალამ ხერხი ვიხმაროა, ხვალისთვის ხმალი ვინებოთ,
აბა, გაფრინდით, სამშობლოს დროშა გფარავდეთ, შვილებო!
აჩრდილებივით მიღიან ალაბაბა და ხუღია,
ალბათ იმიტომ არ სჩანან, უჩინ-მაჩინის ქუდი აქვთ.
გარშემო ისევ უღრანი ლამეა ჩამოძენძილი—
ძილ-ფხიზლად სძინავთ ვაჟკაცებს, ლელავს ულვაშთა ჯეჯილი.
ყური დაუგდეთ, ასპინძის ადგილის დედა ჩურჩულობს,
თუ როგორ გავუმასპინძლდით, როგორ გავრეკეთ ურჯულო.

3

ინათა... ცისკრის ვარსკვლავის ბრწყინვამ წყვდიადი ვარიყა,
ატოტდნენ თეთრი ცხენები—გამოელვინა ქარიშხალს.
გაშალეს ძუა-ფაფარი, კორიანტელი დაირხა...
სინამდვილეში ზღაპარი ასე ახდება ხანდისხან.
მოიგდეს თეთრი ნაბდები, მიუხარიათ მხარი-მხარ,
ქართველო მამულიშვილო, ხელი ვადაზე გაიკარ!
მტერი ასპინძის სიმაგრეს შემოესია სერიდან,

წინა რიგებში მიგელავს პატარა კახი ცხენითა...
შეხვდება კონტა ბელადსა, ხმალდახმალ გამოიტაცებს,
ტყვიას დაახლის ბეჭებში, უსულოდ დასცემს მიწაზე;
ხმალი წუნკლებსა, შესძახებს, რაზმებში გადავარდება, —
ასე სჩვევია ცხენდაცხენ ქარიშხალს განავარდება.
ასეთ ღელვაზე საკვირველს იტყოდნენ მამა-პაპანი:
— ზღვა როცა გაიფოფრება, ზეცაში ავა ფაფარით.

4

ჰკაფეს და ჰკაფეს ქართველთა, ვიდრე ჰყოფნიდათ ხმლის სისქე.
შეშინებულმა მტრის ჯარმა პირი იბრუნა ხიდისკენ.
ხიდი რომ არი, ხიდიც კი, ომში ხანდახან ხუნდია.
განა ამაოდ იღწვოდა ბორჩალოელი ხუნდია!
ყური დაუგდეთ, გრძნეული ადგილის დედა ჩურჩულობს:
წყალმა წაიღო წყეული შემოსეული ურჯულო.

ბასიანის ბრძოლა

1

დედაქალაქში მოვიდა დესპანი, გამოჩენილი.
ნუქარდინს გამოეგზავნა თამარისათვის წერილი.
ენისგანუთქმელს, უკადრისს იწერებოდა მურტალი: --
„მე იკონიის სასულთნოს სახელოვანი სულთანი
გამცნობ ქართველთა მეფესა, (მეფეთა გადამჯეგელი),
რომ დედაკაცი ყოველი არის შენსავით რეგვენი.
იქამდი როგორ ამალლდი, ან ისე როგორ გალალდი,
რომ დღეს სუყველა გმორჩილებს, ვისაც მონებდი მანამდი.
რომ ქვეყანაზე გაისმის -შენი ჯარების გნიასი.
ლამის სირცხვილით დავიწვათ —თავზე გვაზიხარ დიაცი.
ან რა უფლებით გაბედე ხელში იმ ხმალის დაჭერა,
რომელიც დიდმა ალლახმა მარტოდენ ჩვენთვის გაქედა,
მარტოდენ ჩვენთვის გაქედა და ვით იქნება, ასპიტო,
რომ იმით ქრისტეანებმა მუსულმანები გასწყვიტონ.
მუსულმანები გასწყვიტონ და პირჯვრის გადასახვამდი
აპკრაფონ გაუგონარი ბეგარა-გადასახადი.
ჰოდა, რადგანაც საკუთარ ბუნაგშიც აღარ ჩერდები,
ახლა მე შენზე მოვდივარ ჩემის მამაცი მხედრებით,
გამოძიწრთვინია ომისთვის მშვიდობას შეუჩვეველნი.
წინ მანქანები მომიძღვის სიმაგრეების მნგრეველი.
უნდა იმგვარად დავლევოთ თქვენთა ციხეთა ბურჯები,
რომ ხორნაბუჯში ხორნაბუჯს ეძებდეს ხორნაბუჯელი.
რომ დაგავიწყდეთ მარადის ლახვარ-მახვილის აღება,
რომ მზეს კვლავ ველარ შესცინონ ქართულმა ბაირალებმა.

მაგრამ, უგბილო დიაკო, თუ ჩემი ჯარის მოსვლამდი,
შენს რჯულს უარჰყოფ, რომელსაც მუდამ დიდებით ჰმოსავდი,
მაჰმადიანი გახდები, კარავში გამოცხადდები,
შეგიწყალებ და შეგინდობ, სულაც არ გაგიცხარდები,
ეს მხოლოდ შენთვის, ლამაზო, სხვას არვის ვაძლევ არჩევანს,
ისე დავანგრევ ქვეყანას მთხრობელიც აღარ დარჩება“.

2

ცას ჰგავდა ვარსკვლავიანსა სამეფო სახლის თავანი!
ტახტზე დიდბუნებოვანი შეენოდა მეფე თამარი.
სულთანის გამოგზავნილი ხელში ეჭირა წერილი—
დიდი ტრიალი მინდორი ცხენთაგან გადათელილი.
წინ ელჩი იდგა დაღლილი მგზავრობის დავიდარებით.
(სარკმლიდან სჩანდა, ეზოში ლომებს აქმევდა არაბი)
ბატონკაცური დუმილით სდუმდა დიადი დარბაზი.
წითელი ოქრო გინდოდა, თუ ზღაპრად თქმული აღმასი!
მდიდრულ კედლებზე ელავდა ინდოეთი და ელლადა
და სტავრა არაბეთისა ცეცხლის ალივით ღელავდა...
ეს ხაკადული ნანაობს, თუ ყანა ნათავთავარი!—
სულთანის წერილს კითხულობს შუბლშემქმუხნილი თამარი.
— ნეტავი დღესვე მიბრძანოს ურჯულოებზე თარეში,—
ფიქრობს მხარგრძელი და თავის პატრონს შეჰყურებს თვალებში.
მიწყდა ხმა ნაკადულისა—მეფემ გადასდო წერილი
და ელჩისაკენ მიბრუნდა შეგლივით ყელმოღერილი:
— სხვას კიდევ რაღას გვიბრძანებს სახელოვანი ნუქარდინ,
ჯერ არც კი ამხედრებულა, ქვეყანა შესძრა მუქარით.
— სხვა, ესეც შემოგითვალათ, თუ რჯულს დასტოვებს თამარი
შევინდო, ცოლად შევირთო, ვუბოძო საქმრო ქამარი,
მაგრამ თუ ასე არ იზამს, მტერი ყოფილა თავისა.

რჯულს ძალით შევაცვლევინებ და ნერე ხასად დავისვამ“...
სისხლი მოაწვა მხარგრძელსა, გული ქარცეცხლით აევსო,
ერთი ხმამალლა შეჰკივლა, — რა სიტყვით სწამლავ ჰაერსო, —
და პატრონივით ენაბილწს სილა გააწნა ისეთი,
გონდაკარგული დაასკდა იატაკს ეშმაკისერთი.
წარბები შეჰკრა თამარმა—რად მოეპყარო უშვერად.—
— თავსაც მოგჰრიდი, მეფეო, მაგრამ ელჩობამ უშველა.
რაინდი, მეფის ძვირისმთქმელს, ბევრს როდი ალაპარაკებს,—
დილეგში წაიყვანეთო, კუშტად უბრძანა არაბებს.
ფეხზე წამოდგა მნათობი—მეფეთა მეფე თამარი.
ამირსპასალარს მიჰმართა:—საზრუნავი გვაქვს მთავარი.
მტრის ღირსეულად დახვედრა ნუ გვეგონება ადვილი,
ამალამევე მოვაწყოთ დიდებულების თათბირი.
გადაწყდეს სეფე ჯარს ვენდოთ, თუ ქუდზე კაცი შევეყაროთ,—
რომ თურქმა შემოსეულმა ბოლოს ვერ დაიმკვებხაროს.
თორემ ტვინამღერებული ქვეყანას საფრთხეს უქადის,
ვმირულად, მამაპაპურად დავხვდეთ სისხლისმსმელ ნუქარდინს.
— ნება შენია, მეფეო,—დინჯად ეტყოდა მხარგრძელი,—
ომი მომწყურდა, ამ ქვეყნად უომრად ველარ გავძელი,
დარბაზის ერი მოვიხმოთ და ასჯერ განსჯილ ბრძანებით
ბრძოლის ველისკენ ვაფრინოთ ჩვენი სამშობლოს ჯარები,
ომი უნდოდა მხარგრძელსა—ჯაჰვის პერანგის მორგება,
ვაჟკაცსა სახელიანსა ისე არ დაედგომება...
წინ ჩაუქროლეს განვლილმა, გაცივებულმა ომებმა.
ეზოში ზარბაზნებივით დაიღრიალეს ლომებმა.

3

ვინც კი იარაღს ატარებს, გულითადია მეფისა,
ვინც დროშას გორგასლიანსა დაუჩოქა და შეჰფიცა

ყველა ლაშქარში, ვაჟკაცი ერთგული ვინც გვეგულება,
იმსჯელეს და გადასწყვიტეს მეფემ და დიდებულებმა.
აილო მინა რხეული (ამბობდნენ შოთას ნაჩუქარს),
დაჯდა თამარი და სულთანს ასე მისწერა პასუხად:
რა გიჟევაძს, რა მოვიტორავს, რას მეშარები შორიდან,
ტყუილუმბრალოდ ცილს მწამებ, ალბათ სისხლისღვრა მოგინდა,
ალბათ, სისხლისღვრა მოგინდა, თორემ მაშ რისთვის ისურვე,
რომ მოგეჩმახა ასეთი უმაგალითო სიცრუე.
ჰოი, უგნურო ნუქარდინ, წინ მიძევს შენი ბარათი.
კარავში მოსვლას მიბრძანებ კაციჭამია ჯალათი...
მოვდივარ, მაგრამ სხვაგვარად, თავად გაიგე და მიხვდი,
მოვდივარ ჩემის ლაშქრითა, თუ ვაჟკაცი ხარ დამიხვდი.
მოვდივარ შენს დასასჯელად, თავლაფდასხმულო, თავნებავ,
დაგამარცხებ რა დაგიცხრობ მაგ უშნო ამპარტავნებას.

მეფე მსახურებს ეტყოდა სასწრაფოდ დესპანს უხმეთო,
შემოიყვანეს, დილეგში ლაშენათევი, უღმერთო.
უცხო სამოსით შემოსეს შავს მტვერში ამოგანგლილი
და სიამაყით გადასცეს მას საპასუხო გრაგნილი.
გულუხვად დაასაჩუქრეს, სხვას ვის არგუნეს იმდენი.
ფეხმარდი ლაფშა მიაართვეს, წავიდა დიდის დიდებით.
მიჰქონდა ოქრო და ვერცხლი, თვლები და მარგალიტები
და ყბაზე დამლა—მხარგრძელის კელაპტრისსიმსხო თითები.

4

შეკრბა სრულიად სამეფო სპა იმერთა და ამერთა.
ზღვის ფსკერზე—ქვიშას, ზეცაში—ვარსკვლავებს გადაამეტა.
ერთ ძლიერ ულოდ შეკრული დაუშლელ-განუფანტავი—
ქართველი მამულიშვილი ნიკოფსით დარუბანდამდი.

ჯარები ოცსა, ყივჩაღთა, კახთა და ჰერთა გულადთა —
ერთმანეთს დარღობულნი, ფიცვერცხლნაჟამი ძმურადა.
ქართლის, მესხეთის, სომხითის ვაჟები მალხაზ-მალბანი.
თორელნი, ტაოილები, შაფშ-კლარჯები და აფხაზნი.
ფიცხი და მკვირცხლი ლაზები, სვანები ბუმბერაზები
და რაჭა-თაქვერ-არგვეთის მამაცი სუმპერრაზები.
აბორგდნენ, აბოზოქარდნენ, როგორც ზვირთები არაქსის
და მეფის ირგვლივ მოგროვდნენ ვარძიის ციხე-ქალაქში.
მეფემ ფრთებგანათებული საქეფო დროშა გაშალა
და საქართველოს უძღვევლ ჯარს დაულოცა გზა-შარა.
თავად კი ლოცვა-კურთხევით ქალაქ ოძრახეს წავიდა,
თავს დაჰნათოდა სულმნათსა შაისის ცა ვარსკვლავითა.

5

ერთ შესასედად კმაროდა ლაშქარი ომს მიმავალი: —
წინ მიუძლოდა სოსლანი — ვაჟკაცი ჰაეროვანი.
სოსლანის გვერდით პირქუში მხარგრძელი განვაცვიფრებდათ.
იქვე ნახავდით შალვას და ივანეს ახალციხელთა.
უკან პორფირით მოსილი მისდევდათ ჯვარისმტვირთველი,
ნება-ნებაზე მიჰქროდნენ ქართული ჯარის ზვირთები.
ყველა გულმარიანი, ერთიც კი არა ჯაბანი.
ცხენთა და კაცთა სიმრავლით იზნიქებოდა მთა-ბარი.

6

— სიტყვა და საქმე ერთი მაქვს, ჩვეული არ ვარ ცრუ ქადილს, —
ეთქვა რა, თავის მხედრობა წამოეყვანა ნუქარდინს.
ბასიანს იდგა ბანაკად, რიცხვით რამდენი ვინ იცის,
იდგა და გასალაშქრებლად ემზადებოდა დილისთვის...
დილაც გათენდა და თეთრად კარვებზე დაჯდნენ ნისლები,

ჯერ კიდევ სძინავს სულთანსა თავისი დარბაისლებით.
გალადებულა უგნური, რა დღე მოელის არა სჯის.
კარვების არე-მარეში ერთიც არ ფხიზლობს დარაჯი.
ქართული ჯარის სარდლებმა მარჯვე შემთხვევა იხელთეს
და ცხენოსანი რაზმებით მწყობრად დაიძრნენ იქეთკენ.
კოტახანს წყნარად ვიდოდნენ, მოკლედ იჭერდნენ ალვირთა,
მაგრამ, როდესაც სულთანის ბანაკში კაცი აყვირდა:—
„წამოდექითო, მხედრებო, სპა დაგვესხაო ურიცხვი,“—
სოხლანმა ჯარებს მიჰმართა:— „სამშობლო ქვეყნის
გულისთვის!“—

ხმალი იშიშვლა, ლაშქარში გადაერია ქვაგული.
ცეცხლს ჰყრიდა ბუნჯგალ-ბუნჯგალსა მისი ფოლადის ფრანგული.
ცალკერძ მხარგრძელმა დასჰქეჟა, ცალკერძ თორელმა დასძახა
და გულმკერდგახურებულნი მტერს მიეხალნენ მხარდამხარ.
წამოიშალა სულთანის ბანაკი ციებ-ცხელებით,
შეირტყეს ისარ-კაპარკი, შეათამაშეს ცხენები.
შეუზახნეს და შეიბნენ, ომი სად თქმულა ასეთი—
იღეწებოდა ფოლადი, უჭედელი და ნაჭედი.
დასცხეს ერთმანეთს ისრები და წაუშინეს წათები.
— ჩათხუტი ჩამოიწიე, თორემ უომრად წახდები,—
გასძახა ახალციხელმა შალვამ თავის ძმას ივანეს,
როცა სულთანის კაცები გაცოფებულნი მივარდნენ,
მაგრამ ხმლის ორი ელვა და დაეცენ მოძალადენი.
სისხლის მდინარემ წაიღო მათი ფარ-მუზარადები.
კალთამდე ჩამოაფხრიწეს შალვას ავაზას ტყავ-კაბა,
როცა ძმის მისაშველებლად ცხენ-კაცთა ტევრი გაჰკაფა.
ომი გაგრძელდა...

გაძნელდა...

ფოლადს სცვივოდა ტალები.

ამოიხატრა ჰაერი ნაჰსხერევი შუბის ტარებით,
მოითარეშა სიკვდილმა სიცოცხლის გასაგისები. -
ყოველი მხრისკენ აფრინა სისხლით დამთვრალი ისრები.
აგერ, შეიბნენ ორ-ორნი—

ურთერთს ახეთქეს ჰოროლი.

ეგერ ვეფხივით გაქანდა მხედარი შეურიგალი,
მას ასათიძე გრიგოლი შემოხვდა, როგორც გრიგალი.
გულში გაერქო მახვილი, „ვაჰმე, დედაო“ იძახდა.
ციცხლწაქიდებულ გორაკზე

დასტა იბრძოდა ყიფჩალთა.

წამოიშალენ ტალღებად მძვინვარე სისხლის ღვარები
და გაიტაცეს ცხენდაცხენ ივანე ციხისჯვარელი.
დარაინახეს რომ რაინდს გზა-კვალი გაუტიალდა
აღმართეს იქცევისები მათ თურქთა ჩაფხუტიანთა,
ერთმა ახმანხა შორიდან ისრით გაუპო გმირს წარბი,
მაგრამ მიუხტა ივანე გასაოცარი სისწრაფით
და ისე დაჰკრა კეთაზე ხანჯალი გაულუნველი,
რომ ტვინი მისი ჰაერში ავარდა როგორც ღრუბელი.
და მერე, როცა მკლავმარდი წამოეშველა გაგელი
ერთად ეკვეთენ უკეთურთ მამულის მოამაგენი.
მუსრეს და მუსრი გაავლეს... მოკლულთა დადგა ჯებირი,
მაინც ვერ გაძღა ბრძოლითა მარჯვენა წარბგაჩეხილი.
ომი გაგრძელდა...

გაძნელდა

ქენებით განახელები,

წინმბრძოლ სპასალარ-სპასპეტთა ყველას მოუკლეს ცხენები.
დაიქვეითეს მაშინვე სხვა დანარჩენმა ვაჟებმა
და სარდლებს გვერდში დაუდგნენ რიგების გასაკაჟებლად.
— ცხენოსანებო, ისმინეთ, ეს მე გიბრძანებთ თვითეულს,

მარცხენა მხრისკენ მობრუნდით, უტიეთ დაქვეითებულთ,—
ბრძანა სოსლანმა და ჯარი მიატრიალა მხარმარცხნივ.—

— ქვეითნო, მირჯენივ სასწრაფოდ, თორემ უომრად
დავმარცხდით,

ხმა მიაწვდინა მხარგრძელმა არევ-დარეულ ქვეითთა.

ჯარი ერთ ხაზზე გაეწყო და ომი ისევ წენივთდა.

ისევ შეიქნა მტრის თავზე ფხიანი ხმლების ჯახება.

შეშინებულმა სულთანმა იკადრა უკან დახევა.

ისევ მიჰმართეს სარდლებმა მრავალგზის ნაცად ჯეგარდნებს

და ნუქარდინის ლაშქარში ისე გულდაგულ შევარდნენ.

გასკდა მტრის ჯარის სიმრავლე, მტვრის ბუქი დადგა სვეტებად,

გაუგონარი რამ იყო უკანასკნელი შეტევა!

ბევრს ვაჟკაცს გადაეფარა წყვდიადი შავი სამარის,

სირცხვილნაქამმა სულთანმა მოჰკურცხლა თავის ამალით. /

უკან დაედვნენ ქართველნი, კათვით, ხანჯლების კისკასით:—

მეორედ აღარ გაბედოთ შემოჭრა ქართლის კიშქარში.

7

გათავდა ომი თუ არა ერთად შეგროვდნენ ჯარები,

მხრებზე შეენოდათ მშვილდები და შუბლზე ნახანჯლარები.

მკვდრებით მოფენილ მინდორზე სიო არ ჰქროდა არსაით.

მუზარადი და ჩაჩქანი ეყარა რიყის ქვასავით.

ზოგან მოსჩანდა მხედარი ხმლით გაკვეთილი ორადა,

ზოგან დაჭრილი კენესოდა და სისხლის ღვარი ბოლავდა.

როგორც ტყე შემოდგომისა ფოთლის ყვითელი ფოჩებით

იდგნენ ხელჩართულ ბრძოლაში ნაალაფარი დროშები.

— მალემსრბოლიო!—

მხარგრძელმა მხედრებმა მხარგრძელს შესძახეს
და ერთი რჩეულთაგანი

გაქანდა

ოდრახესაკენ.

ჯარის წინ სახელოვანი სარდლობაც გამომწინადა.
გახსნეს შეკრული თვალ-წარბი, ფარებს დაეყრდნენ ზვიალად.
წინ გადაშლოდათ საკუთარ მარჯვენით ნაპარტასევი,
ნზეზე ელავდნენ ლომკაცთა ფოლადის ჩაპალანები.
უცებ სად იყო, სად არა... გაშეშდნენ გაკვირვებითა—
არწივთა გუნდი აფრინდა არაქსის ნაპირებიდან.
ჯერ გაჰკრეს, გაინავარდეს, მზის შუქში გაფერნაირდნენ
და მერე მსხვილი ქანგებით მწრებზე დაასწლნენ რაინდებს.
ამირანივით მოსჩანდა მუზარადიან ტოლებში
ძლიერად მბრძოლი მებრძოლი ბატონ-პატრონი ლორესი.
თამარის თანაშეცხედრე, თვით მეფე გვირგვინოსანი
ზერდაგზე იჯდა ბეჭბრტყელი, შინშეუვალი სოსლანი
და ვაეშალა ლაქვარდში ისე ვით ლომის ფაფარი,
გორგასლიანი ალამი—ვაჟკაცთა თავშესაფარი.
ჯარი ძველ ლაშქრულს მღეროდა, ებანებოდა ტყე-ველი
და საქართველო იდგა ვით გოდოლი შეურყეველი.

ს ა რ ჩ ე ვ ი

** (რა ქართველი ხარ) .	3
კრწანისის ყაყაჩოები	4
საქართველო იყო მათი საოცნებო სახელი	5
საქართველოში .	7
ციხის სიზმარი .	8
პირველი მკვდლები	10
ქართველი ოქროსმადიებლები	11
მანანა ორბელიანის სურათზე .	14
ნადირობის შემდეგ .	15
ასპინძა . . .	18
ბასიანის ბრძოლა .	21